

5. Քրիստոսի յաղթական մուտքը Տաճարին մեջ. — Հայոց Զաքարիա կաթողիկոսը իր «Արմաւենեաց օրուան և Տիրոջ գալստեան» առթիւ խօսած ճառին մէջ կը գրէ հետեւեալ աւանդական տողերը. Քրիստոսի յաղթանակով Տաճար գալու ժամանակ, մանուկները որ Մովսէսի օրինաց համաձայն, իբր քառասնօրեայ անդրանիկներ Տաճար բերուած էին Աստուծոյ ներկայացնելու համար, կ'աղաղակէին և կ'օրհնէին զԱստուած. երբ տեսան որ Յիսուս Տաճար կը մտնէ ճանչցան Տաճարին տէրը և օրէնքին տուիչը և արարածներուն անդրանիկը: Ստնդեայ տղաք մինչդեռ իւրաքանչիւրը խանձարրապատ կը կենար իր մօրը գիրկը, հրապարակաւ կ'աղաղակէին ըսելով. «Ովսաննա բարձրելոյն, օրհնեալ որ գասդ յանուն Տեառն, օրհնեալ թագաւորութիւնդ եկեալ, հօր մերոյ Դաւթի, խաղաղութիւն յերկինս և փառք ի բարձունս ևայլն» (Ճառընկիր, Թ. 154. Բ. հատ.):

6. Երուսաղէմ անուն դուռը. — The city of Jerusalem գրքի անանուն ուղեգիր հեղինակը կը գրէ (էջ 28) թէ Սողոմոնեան Տաճարին արեւելքը կը գտնուի Երուսաղէմ<sup>(\*)</sup> կոչուած դուռը, եւ անոր մէկ կողմը կ'երևին հեռքերը այն իշուն որուն վրայ Տէրը հեծած էր Ծաղկազարդի օրը և անոր մօտը կը գտնուին գեղեցիկ դուռները (P. T. S. հատ. 2.):

(\*) Երուսաղէմ անունը՝ այսեղ անունն է այն դրան որ մօտ էր Գեղեցիկ դրան: Հետաքրքրական է որ կը գտնուի սեղ մը Երուսաղէմի մէջ, որ մասնաւորապէս Երուսաղէմ կը կոչուի Միջին դարու մէջ: Սամուդօ իր փարէսիս վրայ այդ անունը կը գրէ Տաճարին նիւթարեւմուտքը. բայց Մոնսրվիլլ կ'ըսէ թէ Տաճարին արեւելի դրան դրսի կողմը կը գտնուի այն սեղը ուր մեր Տէրը ըսաւ «Հոս է Երուսաղէմը»: